



REPUBLIKA E KOSOVËS-REPUBLIKA KOSOVA-REPUBLIC OF KOSOVO
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBEKOSOVA
INDEPENDENT OVERSIGHT BOARD CIVIL SERVICE OF KOSOVO

Pranimi / Dorezimi / Prilazja / Protokol / Received / Delivery	10.01.2022	2	viti / god / year
Organ / Shërbimi / Org / Unit	SKINSHCK	45/2022	1/3



Republika e Kosovës
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBEKOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.1060/2021

Këshilli i Pavarur Mbikëqyrës për Shërbimin Civil të Kosovës-Kolegji për shqyrtimin dhe vendosjen e ankesave i përbërë nga: Eshref Shabani-kryetar, Malsore Gashi Bajraktari dhe Jeton Koca-anëtarë, me Flakron Gashi-Zyrtar i Lartë për Bashkëpunim Profesional, në cilësinë e procesmbajtësit, sipas Aktgjykimit A.nr.176/2018 të Gjykatës Themelore në Prishtinë-Departamenti për Çështje Administrative të datës 23.11.2021, ka rishqyrtuar ankesën A.nr.21/2018 të datës 17.01.2018 të ankuesit me adresë: kundër organit të punësimit Administratës Tatimore e Kosovës, në çështjen juridike “kontestim konkursi”, duke vepruar në pajtim me nenin 6 paragrafin 1 nën paragrafin 1.1, dhe nenin 18 paragrafin 1 nën paragrafin 1.9 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregullores 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim me datë 10.01.2022, mori këtë:

V E N D I M

I. Pezullohet procedura administrative e nisur sipas ankesës A.nr.21/2018 të datës 17.01.2018 të ankuesit

A r s y e t i m

Këshilli i Pavarur Mbikëqyrës i Shërbimit Civil të Kosovës me datë 25.01.2018 ka nxjerrë Vendimin me numër A.nr.21/2018 me të cilin e ka aprovuar si të bazuar ankesën e ankuesit të datës 17.01.2018 ndërsa e ka anuluar konkursin e datës 13.06.2017 me numër reference INS/230/JP00028736 për pozitën “Inspektor Tatimor-30 pozita” të shpallur nga Administrata Tatimore të Kosovës, njëherit ka shfuqizuar vendimin me numër:01/2018 të Komisionit për Zgjidhjen e Kontesteve dhe të Ankesave të ATK-së.

Administrata Tatimore e Kosovës ka parashtruar padi në Gjykatën Themelore të Prishtinës-Departament për Çështje Administrative, ndërsa Gjykata Themelore në Prishtinës-Departament për Çështje Administrative ka nxjerr Aktgjykimin A.nr.176/2018 të datës 23.11.2021 me të cilin e ka aprovuar si të bazuar kërkesëpadinë e paditëses Administrata Tatimore e Kosovës, ndërsa e ka anuluar Vendimin nr.21/2018 e Këshillit të datës 25.01.2018 duke e kthyer lëndën në rishqyrtim dhe rivendosje.

Kolegji për shqyrtimin dhe vendosjen e ankesave, ka administruar këto prova: Aktgjykimin A.nr.176/2018 të Gjykatës Themelore në Prishtinë-Departamenti për Çështje Administrative të datës 23.11.2021; Procesverbalin e seancës kryesore për lëndën A.nr.176/2018 i datës 23.11.2018; Autorizimin e datës 06.10.2021 Procesverbalin e seancës kryesore për lëndën A.nr.176/2018 i datës 23.11.2021; Procesverbalin e seancës për lëndën A.nr.176/2018 i datës 07.10.2021; Përgjigjen në padi të datës 27.05.2019; Aktvendimin



A.nr.176/2018 e Gjykatës Themelore në Prishtinë-Departamenti për Çështje Administrative të datës 07.02.2018; E-mailin e datës 17.10.2018 me korrespondencën e bashkangjitur me numër protokolli 6050/2018; Aktvendimin A.nr.176/2018 e Gjykatës Themelore në Prishtinë-Departamenti për Çështje Administrative të datës 17.05.2019; Padinë e paditëses Administrata Tatimore e Kosovës e datës 05.02.2018; Ankesën e ankuesit të datës 17.01.2018 me numër prot:216/2018; Njoftimin e datës 15.01.2018; Vendimin e Komisionit për Zgjidhjen e Kontesteve dhe të ankesave të datës 12.01.2018 me numër:01/2018; Kopjen e letërnjoftimit të ankuesit Diplomën me numër:3122 të datës 29.04.2013; Diplomën me numër: 074/2013 të datës 23.12.2013; Aktvendimin Agj.nr.375/12 të Gjykatës së Qarkut në Gjilan të datës 24.12.2012; Kontratën e punës të datës 24.01.2008; Vërtetimin e datës 12.02.2010; Letër pezullimin e datës 14.04.2010; Çertifikatën e datës 29.07.2001; Çertifikatën e datës 25.07.2002; Marrëveshjen për Shërbime të veçanta të datës 29.01.2016 me numër prot: 11/90; Marrëveshjen për Shërbime të veçanta të datës 28.07.2016; Ankesë kontratën e datës 30.01.2017; Konkursin e datës 13.06.2017; Njoftimin e datës 14.07.2017 për testimin e kandidatëve; Njoftimin për mbajtjen e intervistës me gojë 31.07.2017; Njoftimin për mbajtjen e intervistës me gojë 01.08.2017; Njoftimin për mbajtjen e intervistës me gojë 02.08.2017; Njoftimin për mbajtjen e intervistës me gojë 03.08.2017; Njoftimin për kandidatët të suksesshëm i datës 11.08.2017; vendimin e Komisionit për Zgjidhjen e Kontesteve dhe të Ankesave të datës 18.09.2017; Ankesën e ankuesit të datës 25.09.2017; Vendimin për bashkimin e lëndëve i datës 15.11.2017 me numër:73/2017; Vendimin e KPMSHCK-së të datës 21.12.2017 me numër A/02/667/2017; Formularin e regjistrimit të ankesës së datës 17.01.2018; Ankesën e ankuesit parashtruar në Komisionin për Zgjidhjen e Kontesteve dhe të Ankesave i datës 22.08.2017; Marrëveshjen për shërbime të veçanta të datës 10.02.2016; Njoftimin e datës 15.01.2018; Kërkesën për përgjigje në ankesë e datës 26.09.2017; Vendimin e Këshilli A.nr.21/2018 i datës 25.01.2018; Procesverbalin A.nr.21/2018 të datës 25.01.2018; Vendimin e Këshillit A/02/667/2017 i datës 22.12.2017; Procesverbalin A/02/667/2017 të datës 21.12.2017; Aktgjykimin A.nr.175/2018 e Gjykatës Themelore në Prishtinë-Departamenti për Çështje Administrative i datës 30.09.2021; Ankesën e Administratës Tatimore të parashtruar me datë 01.12.2021 nëpërmjet Gjykatës Themelore në Prishtinë në Gjykatën e Apelit.

Kolegji për shqyrtimin dhe vendosjen e ankesave, për rivendosjen e kësaj çështje ka shqyrtuar të gjitha shkresat e lëndës të parashtruara nga palët dhe ka konstatuar se ka bazë të mjaftueshme ligjore si dhe ekzistojnë rrethana të reja të cilat e plotësojnë kushtin që vendimmarrja për lëndën A.nr.21/2018 të ankuesit **ë pezullohet, sepse:**

Kolegji për shqyrtimin dhe vendosjen e ankesave, sipas Aktgjykimit A.nr.176/2018 të Gjykatës Themelore në Prishtinë-Departamenti për Çështje Administrative të datës 23.11.2021 ka rishqyrtuar lëndën e ankuesit sipas ankesës A.nr.21/2018 të datës 17.01.2018, mirëpo për të njëjtin objekt shqyrtimi-konkursin e datës 13.06.2017 me numër reference INS/230/JP00028736 për pozitën “Inspektor Tatimor-30 pozita” të shpallur nga Administrata Tatimore të Kosovës, Këshilli ka vendosur edhe me Vendimin A.nr.22/2018 të datës 25.01.2018 për ankesën e ankueses duke e aprovuar si të bazuar ankesën ndërsa e ka anuluar konkursin e datës 13.06.2017 me numër reference INS/230/JP00028736 për pozitën “Inspektor Tatimor-30 pozita” të shpallur nga Administrata Tatimore të Kosovës, kurse Administrata Tatimore e Kosovës ka parashtruar padi në Gjykatën Themelore të Prishtinës-Departament për Çështje Administrative, ndërsa Gjykata Themelore në Prishtinës-Departament për Çështje Administrative ka nxjerr Aktgjykimin A.nr.175/2018 të datës 30.09.2021 me të cilin e ka refuzuar kërkesëpadinë e paditëses Administrata Tatimore e Kosovës, ndërsa ka lënë në fuqi vendimin e Këshillit A.nr.22/2018 të datës 25.01.2018. Administratat Tatimore e Kosovës me datë 01.12.2021 ka parashtruar ankesë në Gjykatën e Apelit të Kosovës-Departamenti për Çështje Administrative kundër Aktgjykimit A.nr.175/2018 të Gjykatës Themelore në Prishtinës-Departament për Çështje Administrative të datës të datës 30.09.2021.

Meqenëse Gjykata Themelore në Prishtinë-Departamenti për Çështje Administrative për të njëjtin rast ka nxjerre dy (2) aktgjykime të cilat janë të kundërta me njëra tjetrën dhe përderisa një lëndë është duke u trajtuar në Gjykatën e Apelit të Kosovës për të njëjtin objekt shqyrtimi, Kolegji konstaton se në kuptim të



nenit 85 paragrafi 1 të Ligjit Nr.05/L-031 për Procedurën e Përgjithshme Administrative i cili përcakton se: "Kur organi publik që zhvillon procedurën has në një çështje, zgjidhja e së cilës është parakusht për zgjidhjen e çështjes kryesore dhe e cila përbën një çështje juridike të pavarur (në vijim: "çështje paraprake"), për zgjidhjen e së cilës është kompetente një gjykatë apo organ tjetër, organi publik që zhvillon procedurën do të pezullojë çështjen kryesore, deri sa çështja paraprake të jetë vendosur dhe do të njoftojë palën për vendimin e pezullimit", ekzistojnë rrethana të mjaftueshme që rishqyrtimi i lëndës A.nr.21/2018 të pezullohet deri në vendosjen përfundimtare nga Gjykata e Apelit të Kosovës sipas ankesës së datës 01.12.2021 të paditëses Administratës Tatimore e Kosovës, pasi që objekti i shqyrtimit është i njëjtë dhe shërben si parakusht për zgjedhjen e çështjes kryesore.

Këshilli i Pavarur Mbikëqyrës i Shërbimit Civil të Kosovës, pas vendosjes së rastit nga Gjykata e Apelit të Kosovës, sipas ankesës së paditëses Administratës Tatimore e Kosovës të datës 01.12.2021 ndërlidhur me rastin që për objekt të shqyrtimit ka konkursin e datës 13.06.2017 me numër reference INS/230/JP00028736 për pozitën "Inspektor Tatimor-30 pozita" të shpallur nga Administrata Tatimore të Kosovës, do të vendos edhe për lëndën A.nr.21/2018 të ankuesit

Andaj, pas analizimit dhe vlerësimit të gjitha shkresave të lëndës si dhe duke u bazuar nënin 6 paragrafi 1 nën paragrafi 1.1 dhe nenin 18 paragrafi 1 nën paragrafi 1.9 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës si dhe nenit 85 Ligjit Nr.05/L-031 për Procedurën e Përgjithshme Administrative, Kolegji vendosi si në dispozitiv të këtij Vendimi.

Vendimi hyn në fuqi në ditën e nënshkrimit nga Kryetari i Kolegjit

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në gjykatën kompetente, Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

**Këshilli i Pavarur Mbikëqyrës për Shërbimin Civil të Kosovës
Lënda me numër A.nr.1060/2021**

Flakron Gashi

Zyrtar i Lartë për Bashkëpunim Profesional



Vendimi i dërgohet:

- Ankuesit,
- Drejtorit të Përgjithshëm të Administratës Tatimore të Kosovës ;
- Udhëheqësit të Personelit në Administratën Tatimore të Kosovës;
- Znj. Lirije Maksutaj- Gjyqtare në Themelore në Prishtinë-Departamenti për Çështje Administrative
- Arkivit të KPMSHCK-së.

